

## Sammissaq 12 aningaasanut inatsit pillugu isumaqatigiissut

### 20.11.70 Suliniutinut nutaanut sillimmatit (Ingerlatsinermit aningaasaliissutit)

Missingersuutit  
immikkoortiterneri

	AS 2024	M 2025	M 2026	M 2027
	-- 1.000 kr. --	---- mio. kr. ----		
Ilanngaaseereerluni anigaasartuutit	19.700	16,2	16,2	7,2

2024-mut Aningaasanut Inatsisip ilagisaatut konto pingaarneq manna 2024-mi 19,7 mio. kr.-nik, 2025-mi 2026-milu 16,2 mio. kr.-nik kiisalu 2027-mi 7,2 mio. kr.-nik ilaneqarnissaa siunnersuutigineqarpoq. Ilassutaasut suliniutinut arlalinnut tullinnguuttumi suliasat pillugit tabelimi allassimasunut agguarneqassapput.

Tullinnguuttumi allassimasut missingersuutinut ilanngussanut ilanngunneqarnissaat siunnersuutigineqarpoq:

”Kontumi pingaarnermi matumani aningaasaliissutit aningaasanut inatsimmut isumaqatigiissutit ilagisaattut aningaasanut inatsimmut siunnersuutit pingajussaarneqarnerani 2024-mi 19,7 mio. kr.-nik, 2025-mi 2026-milu 16,2 mio. kr.-nik kiisalu 2027-mi 7,2 mio. kr.-nik ilaneqarput.

### Peqqissutsimut isumaqatigiissummut sillimmatit

Peqqinnissaq pillugu Ataatsimiititaliarsuup isumaliutissiissutaa tunniunneqarmalli sulineq aallaavigalugu kontumi pingaarnermi matumani 2024-mi 35 mio. kr.-nik, 2025-mi 2026-milu 29,5 mio. kr.-nik kiisalu 2027-mi 20,5 mio. kr.-nik aningaasaateqarfimmut immikkoortitsisoqarpoq. Aningaasaateqarfik peqqissutsimut isumaqatigiissutissamut aningaasaqarnikkut tunngavissatut atorneqassaaq.

Aningaasaqarnikkut tunngaviup imarisaanik atuiffigisassangortitat akornanniippit kræfteqartunut katsorsaaneq pitsaanerusoq, nuna tamakkerlugu ernisarfinni sullissinermik pitsanngorsaaneq Dronning Ingridillu napparsimavissuani nakorsiarsinnaanermik pitsanngorsaaneq, kiisalu peqqissutsimut politikikkut iliuseqarnissamut aningaasaateqarfik angisooq.

### Ilaqtariinnut paarsisartunut suliniutit

Kontumi pingaarnermi matumani nunatsinni ilaqtariit paarsisartut atugaat pitsanngorsarniarlugit ukiumut 1,5 mio. kr.-t tunngavissatut immikkoortinneqarput. Aningaasanut Inatsimmut isumaqatigiissutitigut aningaasat nukinginnartumik oqilisaassillunilu isumassuinermi akinut pitsanngorsaataassapput ilaqtariinnullu paarsisartunut neqeroortigineqartartumut supervisionimut nukittorsaataassallutik.

### Nuna Tamakkerlugu Aliasuttunik Sullissivik

2024-mut aningaasanut inatsit pillugu isumaqatigiissutit ilagisaatut Nuna Tamakkerlugu Aliasuttunik Sullissiviup pilersinneqarnissaa siuarsarniarlugu kontumi pingaarnermi matumani

ukiumut 1 mio. kr.-t immikkoortinneqarput. Taamaattumik pilersitsinermi Nuna Tamakkerlugu Katsorsaanermik Siunnersuinermillu Sullissivik ataqatigiissaareqatigineqartariaqarpoq, Naalakkersuisullu taassuma pilersinnissaanut piareersaassapput.

### **Ilinniartitaanermut periusissiaq**

2024-mi 3,0 mio. kr.-t 2025-miillu ukiumut 5 mio. kr.-t aningaasaateqarfimmut immikkoortinneqarput ilinniartitaanermut periusissiasap atuutilersinnissaa siunertaralugu. Aningaasaateqarfik Aningaasaqarnermut Akileraartarnermillu Naalakkersuisoqarfik suleqatigalugu aqunneqassaaq."

Tullinnguullutik allassimasut peeqquneqarput:

### **”Meeqqanut tarnimikkut nappaatilinnut suliniutit**

Ukiumut 3 mio. kr.-nik aningaasaliisoqartassaaq. Nunatsinni meeqqat inuusuttullu tarnikkut napparsimasut ilaatigut sulisussanik amigaateqarneq pissutigalugu ilungersunartorsiorput. Tarnikkut napparsimasut immikkoortortaqarfianni meeqqat inuusuttullu 150-it missaanniittut isumagineqarput, ukiumullu 125-t nutaat innersuuneqartarumaartut naatsorsuutigineqarpoq. Meeqqat inuusuttullu tarnikkut napparsimasut unitsinneqanngikkaluarlutik misissorneqarnissaat qaammagini qulingiluanu utaqqisinneqartarput. Taamaattumik neriuutiginarpoq, meeqqanut - aamma inuusuttunut tarnikkut nappaatit pillugit misissorneqarsinnaanerannut - aamma katsorsarneqarsinnaanerannut neqeroorutit annertusinissaat. Tamatuma saniatigut meeqqat inuusuttullu tarnikkut nappaammik ajornartorsiuutillit sulilu peqqinnissaqarfimmut saaffiginissimangitsut taamaasillutillu tarnikkut nappaatilinnik sullissisunit suliarineqalersimangitsut imaluunniit suliarineqalernissaminnut utaqqisut kisitsisaatigineqanngillat. Taamaattumik najukkanut ornigulluni sulinermik suliniut ilaqartariaqarpoq.

Sillimmatit AIS2024-p aappassaaneernerani pingajussaaneerneraniluunniit allannguutissatut siunnersuutitut atugassanngortinneqarsinnaapput. Suliniummut ataqatigiissaarinissaq Peqqissutsimut Naalakkersuisoqarfiup aamma Meeqqanut Inuusuttunut Ilaqutariinnullu Naalakkersuisoqarfiup isumagissavaat."

Tullinnguullutik allassimasut peeqquneqarput:

### **”Periusissanut aningaasaateqarfik**

Periusissatut suliniutit toqqarneqartut Naalakkersuisut ataqatigiissaarinermik ataatsimiititaliaani akuerineqarnerisigut piviusunngortinneqarnissaat siunertaralugu periusissanut aningaasanik agguagassat ataatsimoortillugit ukiumut 20 mio. kr.-nik sillimmatitut immikkoortinneqarput. Naalakkersuisut utoqqaat pillugit periusissiamik akuersinerannut atatillugu aalajangigaat naapertorlugu aningaasat ilarpasui utoqqalinersiallit imminnut pilersueqatigiittussaanerisa atorunnaarsinnissaanut aamma atorineqarsinnaassasut naatsorsuutigineqarpoq. ”

Tullinguullutik allassimasut peeqquneqarput:

**”Meerartaarsinnaanngitsunut aningaasat**

Nammineq kissaatiginnisamik meerartaarsinnaanngitsut angalanermut, najugaqarnermut, misissortinnermut ikiorserneqarnermullu aningaasartuutit tamarmik Peqqinnissaqarfimmit akilerneqarlutik Danmarkimi IVF-imik aamma ICSI-mik ikiorserneqarnissamik neqeroorfigineqartarnissaannik Naalakkersuisunut peqqusinissaq pillugu Inatsisartut aalajangiiffigisassaattut siunnersuut Inatsisartut 4. maj 2023-mi akueraat. Aningaasat taakku kingorna AIS2024-p aappassaaneer neqarneranut pingajussaaneer neqarneranulluunniit atugassanngortinneqarnissaat siunertaralugu siullertut sillimmatinut kontomut inissinneqassasut siunnersuutigineqarpoq. Peqqinnissaq pillugu Ataatsimiititaliarsuup isumaliutissiisummik tunniussaqaqarnera pissutigalugu peqqinnissaq pillugu politikikkut isumaqatigiisummik isumaqatiginninniarnissamat qaaqqusisoqarpoq. Sillimmatit uku aningaasanut inatsisiliornermi aningaasaliissutaajunnartut allat ilanngullugit – peqqinnissamat suliasaqaqarfimmi suliniutinik nutaanik aallartitsineq ataatsimoortumik pilersaarutaasumillu suliniutip ilaatut piniassamat isumaqatigiisut tip taassuma ilaatut atugassanngortinneqarsinnaassapput. Ukiumut 8,7 mio. kr.-t immikkoortinneqarput."

<b>Suliasami kisitsisissatut naatsorsuutigisat</b>	<b>AS 2024</b>	M 2025	M 2026	M 2027
	---- 1.000 kr. ----	---- mio. kr. ----		
Ilaqutariinnut paarsisartunut suliniutit	<b>1.500</b>	1,5	1,5	1,5
Periusissanut agguagassat	<b>-9.000</b>	-9,0	-9,0	-9,0
Nuna Tamakkerlugu Aliasuttunik Sullissivik	<b>1.000</b>	1,0	1,0	1,0
Peqqissutsimut isumaqatigiisummut sillimmatit	<b>35.000</b>	29,5	29,5	20,5
Meerartaarsinnaanngitsunut aningaasat	<b>-8.800</b>	-8,8	-8,8	-8,8
Meeqqat tarnimikkut nappaatillit suliniarfigineri	<b>-3.000</b>	-3,0	-3,0	-3,0
Ilinniartitaanermut periusissiaq	<b>3.000</b>	5,0	5,0	5,0
<b>Katillugit</b>	<b>19.700</b>	16,2	16,2	7,2

**30.10.45 Meeqqat inuusuttullu immikkut ittumik suliniuteqarfigineqarnerat  
(Ingerlatsinermit aningaasaliissutit)**

Missingersuutit  
immikkoortiternerit

	AS 2024	M 2025	M 2026	M 2027
	-- 1.000 kr. --	---- mio. kr. ----		
Ilanngaaseereerluni aningsaasartuutit	<b>1.500</b>	1,5	1,5	1,5
Akissarsianut aningsaasartuutit	<b>0</b>	0,0	0,0	0,0
Aningsaasartuutit allat	<b>1.500</b>	1,5	1,5	1,5
Isertitat	<b>0</b>	0,0	0,0	0,0

Konto pingaarneq manna 2024-mut aningaasanut inatsit pillugu isumaqatigiissutip ilagisaatut 3 mio. kr.-nik ilaniarneqarpoq. Taakku 3 mio. kr.-nit 1,5 mio. kr.-it ilaqutariinnut paarsisartunut tunngasunut kiisalu 1,5 mio. kr.-t ilaqutariinni aqutissioqatigiinnermut avinneqarput.

Tullinnguuttumi allassimasut missingersuutitut ilanngussamut ilannguteqquneqarput:

”Konto pingaarneq manna aningaasanut inatsit pillugu isumaqatigiissutip ilagisaatut aningaasanut inatsimmut siunnersuutip pingajussaarneqarnerani 1,5 mio. kr.-nik ilaqutariinni aqutissioqatigiinnermut atugassanik ilaneqarpoq.”

Suliassami kisitsisissatut naatsorsuutigisat	AS 2024	M 2025	M 2026	M 2027
	---- 1.000 kr. ----	---- mio. kr. ----		
Ilaqutariinnut paarsisartunut suliniutit	<b>0</b>	0,0	0,0	0,0
Arnanut meeralinnut persuttaagaasimasunut nuna tamakkerlugu qimarnguiullunilu katsorsaavik	<b>0</b>	0,0	0,0	0,0
Angalasartut	<b>0</b>	0,0	0,0	0,0
Tusaannga	<b>0</b>	0,0	0,0	0,0
Ilaqutariit aqutissioqatigiinnerat	<b>1.500</b>	1,5	1,5	1,5
Qimarnguiviullunilu katsorsaavimmut akigititanut akiliuteqartarneq	<b>0</b>	0,0	0,0	0,0
Katillugit	<b>1.500</b>	1,5	1,5	1,5

### 31.07.05 Majoriaq (Tapiissutitut aningaasaliissutit)

Missingersuutit immikkoortiterneri

	AS 2024	M 2025	M 2025	M 2026
	-- 1.000 kr. --	---- mio. kr. ----		
Ilanngaaseereerluni aningaasartuutit	<b>-8.000</b>	-8,0	-8,0	-8,0

Suliffissaaleqisukinneq pissutigalugu Majoriani suliffeqarnermut iliuusissanik pisariaqartitsineq ilimagisamit annikinnerussangatinneqarpoq. Taamaattumik aningaasanut inatsit pillugu isumaqatigiissutip ilagisaatut siunnersuutigineqarpoq Majorianut aningaasaliissutit ukiumut 8 mio. kr.-nik ikilineqassasut. Oqaasertaliussa q tullinnguuttoq missingersuutitut ilanngussani kingullertut ilanngunneqarnissaa siunnersuutigineqarpoq:

”Suliffissaaleqisukinneq pissutigalugu taamaattumillu Majoriani suliffeqarnermut iliuusissanik pisariaqartitsineq annikinnerussammat 2024-mut aningaasanut inatsimmut isumaqatigiissutip ilagisaatut kontumi pingaarnaq ukiumut 8 mio. kr.-nik ilanngarneqarpoq.”

**31.07.07 Ilinniartunut tapiissutit - Majoriaq (Aningaasaliissutit inatsisitigut pisussaaffigisat)**  
Missingersuutit immikkoortiterneri

	<b>AS 2024</b>	M 2025	M 2025	M 2026
	-- 1.000 kr. --	---- mio. kr. ----		
Ilanngaaseereerluni aningaasartuutit	<b>-5.000</b>	-5,0	-5,0	-5,0

Suliffissaaleqisukinneq pissutigalugu Majoriani ilinniartunut tapiissutitut pisariaqartitsineq ilimagisamit annikinnerussangatineqarpoq. Taamaattumik aningaasanut inatsit pillugu isumaqatigiissutip ilagisaatut siunnersuutigineqarpoq Majorianut aningaasaliissutit ukiumut 5 mio. kr.-nik ikilineqassasut. Oqaasertaliusseq tullinnguuttoq missingersuutitut ilanngussani kingullertut ilanngunneqarnissaa siunnersuutigineqarpoq:

”Suliffissaaleqisukinneq pissutigalugu taamaattumillu Majoriani ilinniartunut tapiissutitut pisariaqartitsineq annikinnerussammatt 2024-mut aningaasanut inatsimmut isumaqatigiissutip ilagisaatut kontomi pingaarneq ukiumut 5 mio. kr.-nik ilanngarneqarpoq.”

### 40.01.03 Ilinniartitaanermut Siunnersuisoqatigiit (Ingerlatsinermit aningaasaliissutit)

Missingersuutit  
immikkoortiterneri

	AS 2024	M 2025	M 2026	M 2027
	-- 1.000 kr. --	---- mio. kr. ----		
Ilanngaaseereerluni anigaasartuutit	<b>2.000</b>	1,5	1,5	1,5

2023-mut aningaasanut inatsimmut isumaqatigiissutip ilagisaatut siunnersuutigineqarpoq ilinniartitaanermut siunnersuisoqatigiinnik pilersitsinissamut 2024-mi 2 mio. kr.-t 2025-miillu siumut 1,5 mio. kr.-t aningaasaliissutigineqassasut. Ilinniartitaanermut Siunnersuisoqatigiit ilinniartitaanermut suliaasaqarfimmi ilinniartitaanermut tunngasuni siunnersuisartutut kiisalu Aningaasaqarneq pillugu Siunnersuisoqatigiit assigalugit atuuffeqarnissaat takorloorneqarpoq. Aningaasaliissutit aningaasanut inatsit pillugu siusinnerusukkut isumaqatigiissutigineqartumit malitseqartitsinerupput.

Tullinguuttumi allassimasut missingersuutinut ilanngussanut ilanngunneqarnissaat siunnersuutigineqarpoq:

"Konto pingarneq manna nutaajuvoq.

Aningaasaliissuteqarnikkut ilinniartitaanermut siunnersuisoqatigiinnik pilersitsinissaq ingerlatsinissarlu immikkut aningaasaliiffigineqarpoq. Ilinniartitaanermut Siunnersuisoqatigiit qaffasissunik suliaqarlunilu inuttaqartinneqartussaq aamma nunanit allaneersunit ilaasortaqaartinneqartussaq arlaannaanulluunniit pituttorsimanani siunnersuisoqatigiiffiusussatut takorloorneqarallarpoq taannalu Aningaasaqarnermut Siunnersuisoqatigiinni taaseqataasinnaanatik ilaasortaataqartussami misilittakkat iluatsilluartunit isumassarsiaavoq. Ilinniartitaanermut siunnersuisoqatigiit ilinniartitaanermut tunngasuni aalajangersimasunik siunnersuuteqarnissamut akisussaaffeqassapput ilinniakkatigut qaffassaaniarlutik aningaasaliissutillu pitsaanerusunik atorneqalersinniarlugit."

**40.94.13 Timersornermut tapiissutit (Tapiissutitut aningaasaliissutit)**Missingersuutit  
immikkoortiteneri

	<b>AS 2024</b>	M 2025	M 2026	M 2027
	-- 1.000 kr. --	---- mio. kr. ----		
Ilanngaaseereerluni aningaasartuutit	<b>250</b>	0,3	0,3	0,3

2024-mut aningaasanut inatsisissap isumaqatiginninniutigineqarnerata ilaattut Kalaallit Nunaanni Qajartortartut Kattuffianut tapiissutaasartut 2024-mit ukiunilu tullinnguuttuni konto pingaarneq una aqutigalugu ukiumut 250 t. kr.-inik amerlineqarput. Kontumut pingaarnermut uunga tunngatillugu oqaasertaliussassatut uku missingersuutinut ilanngunniarneqarput:

Aningaasanut inatsisissatut siunnersuutip pingajussaaneerreqarnerani Kalaallit Nunaanni Qajartortartut Kattuffianut tapiissutaasartut 2024-mit ukiunilu tullinnguuttuni konto pingaarneq una aqutigalugu ukiumut 0,25 mio. kr.-inik qaffanneqarput.”

<b>Suliassami kisitsisissatut naatsorsuutigisat</b>	<b>AS 2024</b>	M 2025	M 2026	M 2027
	---- 1.000 kr. ----	---- mio. kr. ----		
Kalaallit Nunaanni Qajartortartut Kattuffiat	<b>250</b>	0,3	0,3	0,3
Katillugit	<b>250</b>	0,3	0,3	0,3



**40.95.01 Eqqumiitsuliornermut kulturimut tapiissutit allat (Tapiissutitut aningaasaliissutit)**

Missingersuutit  
immikkoortiteneri

	AS 2024	M 2025	M 2026	M 2027
	---- 1.000 kr. ----	---- mio. kr. ----		
Ilanngaaseereerluni aningaasartuutit	<b>1.100</b>	1,1	1,1	1,1

2024-mut aningaasanut inatsisissap isumaqatiginninniutigineqarnerata ilaattut KNQK-ip aaqqissuusaanik qimussinik sukkaniutsitsisarnernut tapiissutaasartut 2024-mit ukiunilu tullinnguuttuni 1 mio. kr.-inik qaffanneqarnissaat aammalu E-sport-ertartut nunat tamalaat unammersuarnerinut peqataasalernissaanut nutaatut 0,1 mio. kr.-inik tapiissuteqartoqarnissaa siunnersuutigineqarpoq.

Kontumut pineqartumut tassunga tunngatillugu oqaasertat uku ilanngunniarneqarput:

"2024-mut aningaasanut inatsisissap isumaqatiginninniutigineqarnerata ilaattut qimussinik sukkaniutsitsisarnernut tapiissutaasartut aningaasanut inatsisissatut siunnersuutip pingajussaaneerneqarnerani 2024-mit ukiunilu tullinnguuttuni 1 mio. kr.-inik qaffanneqarput."

Oqaatsit uku missingersuutinut ilanngussamut ilanngunneqarnissaat siunnersuutigineqarportaaq:

**"E-sport**

2024-mut aningaasanut inatsisissap isumaqatiginninniutigineqarnerata ilaattut E-sport-ertartut nunat tamalaat unammersuarnerinut peqataasalernissaanut 2024-imi ukiunilu tulliuttuni tapiissuteqartarnissanut aningaasaliisoqarpoq."

Suliassami kisitsisissatut naatsorsuutigisat	AS 2024	M 2025	M 2026	M 2027
	---- 1.000 kr. ----	---- mio. kr. ----		
Qimussimik sukkaniunneq	<b>1.000</b>	1,0	1,0	1,0
E-sport	<b>100</b>	0,1	0,1	0,1
Katillugit	<b>1.100</b>	1,1	1,1	1,1

**51.01.04 Aallarteqqinnissamut tapiissuteqartarneq (Tapiissutitut aningaasaliissutit)**Missingersuutit  
immikkoortiterner

	AS 2024	M 2025	M 2026	M 2027
	---- 1.000 kr. ----	---- mio. kr. ----		
Ilanngaaseereerluni aningaasartuutit	<b>1.000</b>	1,0	1,0	1,0

Inatsisartut UKA2023/62-mik tassalu aalisartunut, piniartunut savaatilinnullu immikkut ikiorsiissuteqartarnissamik akuersissuteqarnerisa malitsigisaanik oqaasertaliussassatut siunnersuummik suliaqartoqassaaq konto pingaarnemit aallartisaqqinnissamut tapiissuteqartarnissanut aningaasanik atuisinnaalersitsisussamik tamatumalu saniatigut aningaasaliissutit 2024-mit 1 mio. kr.-inik qaffanneqarnissaat siunnersuutigineqarluni.

Oqaaseqatigiit tullinnguuttut missingersuutitut ilanngussamut ilannguteqquneqarput:

"Kontumut pingaarnermut matumunnga oqaasertaliussanik ilanngussisoqarpoq."

Tamatuma saniatigut oqaasertat uku ilanngunniarneqarput:

"Inatsisartut UKA2023/62-mik tassalu aalisartunut, piniartunut savaatilinnullu immikkut ikiorsiissuteqartarnissamik akuersissuteqarnerisa malitsigisaanik konto pingaarnemit uani aningaasaliissutit 2024-mit 1 mio. kr.-inik amerlineqarput."

**72.20.05 Ilaasunik angallassinermut tapiissutit (Tapiissutitut aningaasaliissutit)**Missingersuutit  
immikkoortiteneri

	AS 2024	M 2025	M 2026	M 2027
	---- 1.000 kr. ----	---- mio. kr. ----		
Ilanngaaseereerluni aningaasartuutit	<b>3.000</b>	3,0	0,0	0,0

2024-mut aningaasanut inatsisissap isumaqatigiissutigineqarnerata ilaattut Kujataani qulimiguulimmik angallassisarnerit pitsanngortinneqarnissaanut konto pingaarnermi uani aningaasaliissutit 2024-mi 2025-milu 3 mio. kr.-inik qaffanneqarnissaat siunnersuutigineqarpoq. Aningaasaliissutit qaffannerisigut nunap immikkoortuani tassani Qaqortumi mittarfissap naammassineqarnissaata tungaanut sullissinerit naammaginartumik ingerlanissaat qulaakkerneqassaaq.

Allanneqartut tullinnguuttut missingersuutininut ilanngussanut ilanngunniarneqarput:

”2024-mut aningaasanut inatsisissap isumaqatigiissutigineqarnerata ilaattut Kujataani helekopterimik angallassisarnerit pitsanngortinneqarnissaanut konto pingaarnermi uani aningaasaliissutit 2024-mi 2025-milu 3 mio. kr.-inik qaffanneqarput. Aningaasaliissutit qaffannerisigut nunap immikkoortuani tassani Qaqortumi mittarfissap naammassineqarnissaata tungaanut sullissinerit naammaginartumik ingerlanissaat qulaakkerneqassaaq.”

Suliassami kisitsisissatut naatsorsuutigisat	AS 2024	M 2025	M 2026	M 2027
	---- 1.000 kr. ----	---- mio. kr. ----		
Kujataa, qulimiguulimmik	<b>3.000</b>	3,0	0,0	0,0
Katillugit	<b>3.000</b>	3,0	0,0	0,0

## 87.73.20 Mittarfiit aaqqissuussaananerannik annertusaaneq (Sanaartornermut aningaasaliissutit)

Missingersuutit immikkoortiterneri

	AS 2024	M 2025	M 2026	M 2027
	---- 1.000 kr. ----	---- mio. kr. ----		
Ilanngaaseereerluni aningaasartuutit	<b>1.500</b>	1,5	3,0	3,0

2024-mut aningaasanut inatsisissap isumaqatigiissutigineqarnerata ilaattut mittarfitsigut aaqqissuussinerup annertuseqqinnissaata pilersaarusiornissaanut atugassatut 2024-mi aammalu 2025-mi 1,5 mio. kr.-inik aammalu 2026 aamma 2027-mi 3 mio. kr.-inik aningaasaliisoqarpoq. Pilersaarusiorneqartussat tassaapput nunap immikkoortuini mittarfiit 8-t misissoqqissaarneqareersimasut pilersaarusiordfigineqarnissaat. Tasiilami Ittoqqortoormiinilu siulliulluni mittarfiliortoqarnissaa inuiaqatigiit aningaasaqarnerat eqqarsaatigalugu imminut akilersinnaanerpaasussatut siusinnerusukkut uppersarneqareersimammat mittarfissat taakku marluusut siulliullugit pilersaarusiordfigineqassapput. Taassuma kingorna Qeqertarsuup tunuani Kujataanilu najugaqarfinni mittarfiliornissamut pilersaarusiornissamut aningaasat immikkoortinneqarput.

Allassimasut tullinnguuttut missingersuutinut ilanngussanut ilanngunniarneqarput:

”Kontumi aningaasat nunatsinni mittarfiit aaqqissugaanerisa annertusarnissaanut ineriartortinnissaanullu atorneqassapput.

Timmisartuuisarnerit unammillerfiunerusumik aammalu najugaqartunit, inuussutissarsiuteqartunit takornariaqarnerullu ineriartortinneqarneranut iluaqutaasussamik assartuisarnernut aningaasartuutaasartut appartinneqarnissaat mittarfiliortiterni siunertarineqartoq pingaarnerpaavoq. Aamma suluusalinnut mittarfiit ilusissaat annerusumik isigisinnaalernissamik pitsaaneruseqarnerumillu inissanik atorluanaanissamik kissaateqarnermut isigineqassaaq, pisariaqarpallu bilisits akikinnerulernerannik kinguneqartumik.

Tamatuma saniatigut silaannakkut angallannermi aaqqissuussineq nutaaq pisortat suliassaqarfianni sipaarnerulersitsissaaq ikittunik inoqarfinnut aamma inoqarfinniit angallassinermi tapiissuteqartarnernut appasinnerusumik aningaasartuuteqarnikkut kiisalu pisortat timmisartumut billetinik pisineranni billettik akii appasinnerusut.

Siunissami sanaartornissanut ataatsimut piffissamut pilersaarummik sanasoqarneratigut nunatta karsianit tapiissutinik, tassa nunap immikkoortuini mittarfinni attaveqaatinik ineriartortitsinissamut kiffartuussinissamut isumaqatigiissutinik, ikilisaasinnaanermik qanimut misissueqqissaartoqassaaq.

Kontumi pingaarnermi matumani siunnersorteqarnissamut, avataanit ikiorserneqarnissamut,

teknikkut taparserneqarnissamut atortunullu, ullormusianut, akissarsianut, sanaartorneq pillugu isumasioqatigiitsinernut aningaasartuutit, matumani angalanernut ataatsimiinnernullu aningaasartuutit ilanngullugit, akilerneqassapput.

Suliassat immikkoortiterneqarneri taamaallaat ukiumi aningaasaliiffiusumut kiisalu ukiuni missingersuusiorfiusuni aningaasaliissutitut tunngasuupput. Suliniutitut aallartitanut tamarmiusunut takussutissiaq aningaasanut inatsimmi sanaartukkanut takussutissiami atuarneqarsinnaapput.

#### **Suliniutinik immikkoortiterinerit mio. kr.-nngorlugit**

<b>Suliniut</b>	<b>Sumiiffi</b>					
<b>ip nr.</b>	<b>Suliassap taaguutaa</b>	<b>k</b>	<b>AS 2024</b>	<b>M 2025</b>	<b>M 2026</b>	<b>M 2027</b>
25218	Nunap immikkoortuini mittarfiliorerit	Kalaallit Nunaat	1,5	1,5	3,0	3,0

#### **SULINIUTIT AALLARTINNEQAREERSUT:**

##### **Kalaallit Nunaat**

##### **25.218**

##### **Nunap immikkoortuini mittarfiliorerit**

Aningaasaliissutini akilerniarneqarput misissuinerit, suleqqaarnerit, misissueqqaarnerit, pilersarusiornermi suliarinnittussarsiornermilu killiffiit tamarmik, nunatsinni mittarfiit katitigaanerini annertusaanerit ineriartortitsinerillu, kiisalu mittarfinnik ingerlatsinermi attaveqaatersuutitut tunngasut. Matumani ilanngullugit sanaartugassat piffissalorsorneqarnissaat. Massuma ilagisaatut nunap immikkoortuini mittarfiit ineriartortinnerisigut sullissinissamut isumaqatigiissutitigut nunatta karsianit tapiissutini ikilisaasinnaanerup misissoqqissaarneqarnera ilaavoq.

Illoqarfiit tullinnguuttut ilanngunneqarput: Narsaq, Nanortalik, Kangaatsiaq, Qasigiannuit, Qeqertarsuaq aamma Ummannaq.

Mittarfinni suliassat inaarutaasumik piffissalorsornerisa avatangiisinut sunniutaasunik nalilersuisoqassanersoq (ASN) taamaassappallu qanoq suliarineqassanersoq imaluunniit pinngortitamut avatangiisinullu sunniutit kingunerisinnaasaannik misissueqqissaartoqassanersoq aalajangissavaat. ASN-imut nassuiaatit mittarfinnut mittarfiliorerillu saniatigut sanaartugassanut, soorlu aqquserniornernut il.il., pisariaqarsinnaapput.

Suliap aallartiffissaa: 2024”